



293.

PRAVILNIK

I. OPĆE ODREDBE

Član 2.
(Primjena propisa)

(2) Odredbe ovog Pravilnika odnose se i na provjeru stručne radne i druge sposobnosti kod postupka unapređenja policijskih službenika putem internog oglašavanja (interni ispit) ako posebnim propisom nije drugačije određeno.

II. POSTUPAK TESTIRANJA

Član 3. **(Način pristupanja policijskom organu)**

- a) Prvi nivo: u činu policajca za kandidate sa najmanje IV stepenom školske spreme;
- b) Drugi nivo: u činu mlađeg inspektora za kandidate sa najmanje VI stepenom školske spreme.

Član 4.**(Provjera sposobnosti kandidata)**

(1) Provjera stručne i druge sposobnosti kandidata vrši se u zavisnosti od nivoa pristupanja u policijski organ u skladu sa članom 42. Zakona.

(2) U skladu sa članom 52. stav 1. Zakona, kandidat koji ispunjava opće i posebne uslove i koji je dostavio svu potrebnu dokumentaciju putem prijave na Javni oglas pristupit će testiranju prema slijedećem redoslijedu:

- a) test općeg znanja;
- b) posebni pisani test;
- c) test fizičke sposobnosti;
- d) ljeekarski pregled;
- e) psihološki pregled, uključujući neposredni razgovor i test.

Član 5.**(Test općeg znanja)**

(1) Test općeg znanja obuhvata slijedeće oblasti:

- a) opće poznavanje historije i književnosti;
- b) pisani rad na zadanu temu.

(2) Test općeg znanja bit će u skladu sa minimalnim stepenom obrazovanja potrebnim za nivo kojem kandidat pristupa.

(3) Prilikom rješavanja testa kandidatu nije dozvoljeno korištenje bilo kakvih materijala.

(4) Pitanja se postavljaju na sva tri jezika koja su u službenoj upotrebi u Bosni i Hercegovini.

Član 6.**(Posebni pisani test)**

Posebni pisani test sastoji se od poznavanja osnovnih propisa koji se primjenjuju na radnom mjestu za koje se kandidat prijavio.

Član 7.**(Test fizičke sposobnosti kandidata)**

Test fizičke sposobnosti sastoji se od ocjene morfološkog statusa i motoričke sposobnosti kandidata.

Član 8.**(Ljekarski pregled)**

(1) Specijalistička provjera zdravstvene radne sposobnosti odabranih kandidata vrši se u nadležnim zdravstvenim specijaliziranim ustanovama putem psihotesta, a po potrebi drugim vidom provjere, što podrazumijeva davanjem ocjene i nalaza o zdravstvenom stanju kandidata od nadležne specijalizirane ustanove ili zdravstvene komisije nadležne za utvrđivanje zdravstvene sposobnosti za prijem u policijski organ.

(2) Rukovodilac Ministarstva odredit će posebnom odlukom zdravstvenu ustanovu odnosno zdravstvenu komisiju, sa kojom će zaključiti ugovor o pružanju usluga navedenih u prethodnom stavu.

(3) Troškovi usluga padaju na teret Ministarstva kao tražioca usluga.

Član 9.**(Kriteriji za utvrđivanje sposobnosti kandidata)**

(1) Metoda, način, vrijeme rada i sistem bodovanja testa općeg znanja, posebnog pisanog testa, testa fizičke sposobnosti i neposrednog razgovora sa kandidatom, kao i ocjenjivanje kandidata, utvrđuju se na osnovu Kriterija za utvrđivanje sposobnosti kandidata u procesu odabira za prijem policijskih službenika (u daljem tekstu: Kriteriji).

(2) Kriteriji iz stava (1) ovog člana su sastavni dio ovog Pravilnika.

Član 10.**(Plan i program testiranja kandidata)**

(1) Rukovodilac policijskog organa (u daljem tekstu: policijski komesar), u skladu sa Zakonom i ovim Pravilnikom, donijet će plan i program aktivnosti koji će se primjenjivati na proces testiranja kandidata.

(2) Plan i program aktivnosti iz prethodnog stava policijski komesar će donijeti najkasnije u roku 30 dana prije početka testiranja.

III. ELIMINACIONI PRAG**Član 11.****(Eliminacioni prag)**

(1) Eliminacioni prag predstavlja onaj broj bodova koji je dovoljan za uspjeh kandidata na testu koji je propisan Kriterijima iz člana 9. ovog Pravilnika.

(2) Kandidat koji u postupku provjere stručne i druge sposobnosti iz člana 4. stav (2) ovog Pravilnika nije postigao eliminacioni prag (prolaznost na testu) eliminiše se iz daljeg procesa odabira.

IV. KOMISIJA ZA IZBOR I IZRADU TESTOVA**Član 12.****(Sastav komisije)**

(1) Komisija za izbor policijskih službenika sastoji se od pet članova, i to:

- a) tri policijska službenika sa činom samostalni inspektor i više koje postavlja policijski komesar;
- b) dva državna službenika zaposlena u Ministarstvu koji imaju najmanju poziciju stručnog savjetnika koje postavlja ministar.

(2) Komisijom za izbor policijskih službenika predsjedava policijski službenik sa najvišim činom (u daljem tekstu: Komisija za izbor).

(3) Komisija za izbor vodi zapisnik o svim provedenim aktivnostima u postupku testiranja i odabira prijavljenih kandidata te donesenim odlukama.

(4) Komisija za izbor odluke u svom radu usvaja većinom glasova.

Član 13.

(Utvrdjivanje sadržaja testova)

Komisija za izbor, imenovana u skladu s članom 48. Zakona, utvrđuje sadržaj testova iz prethodnog člana uz odobrenje policijskog komesara najranije dvadeset četiri sata prije početka testiranja.

V. PROGRAM RADA

Član 14.

(Program rada)

(1) Komisija će u roku od 7 dana od dana isteka roka za podnošenje prijave na objavljeni oglas utvrditi listu kandidata čija je prijava na oglas blagovremena i potpuna i koji ispunjavaju opće i posebne uslove radi pristupanja provjeri stručnih i drugih sposobnosti istih.

(2) Testiranje kandidata koji su stekli uslove za pristupanje provjerama stručnih i drugih sposobnosti iz člana 4. stav (2) ovog Pravilnika će se obaviti u roku od 15 dana od dana utvrđivanja liste kandidata koji su stekli pavo za pristupanje testiranju.

(3) Vrijeme rada testa je vremenski ograničeno, tako da test općeg znanja traje najviše dva sata, sa pauzama čije trajanje određuje Komisija za izbor.

(4) Nakon završenog testiranja, Komisija za izbor odmah pristupa ocjenjivanju testova i utvrđuje konačne rezultate za svakog kandidata na osnovu ukupnog zbira rezultata svakog od testova.

(5) Komisija za izbor, nakon okončanog programa testiranja, u roku od 5 dana predlaže policijskom komesaru izbor kandidata koji imaju najveći broj bodova radi zapošljavanja u skladu sa oglašenim brojem slobodnih radnih mjesta.

(6) Zapisnike o svim provedenim aktivnostima i izvještaj o radu sa cjelokupnim spisom predmeta Komisija za izbor će dostaviti policijskom komesaru.

Član 15.

(Objavljivanje postignutih rezultata)

(1) U skladu s članom 52. Zakona, policijski organ objavljuje na svojoj oglasnoj ploči listu sa rezultatima postignutim na svakom testu, kao i konačne rezultate svih kandidata koji su pristupili testovima najkasnije u roku od 30 dana od dana posljednjeg testiranja.

(2) Na bodovnoj listi navode se i kandidati koji su uspješno završili testiranje i kandidati koji su predloženi za zapošljavanje.

VI. PRELAZNE I ZAVRŠNE ODREDBE

Član 16.

(Prestanak primjene dosadašnjeg Pravilnika)

Stupanjem na snagu ovog Pravilnika prestaje primjena Pravilnika o postupku i rasporedu testiranja kandidata u procesu odabira policijskih službenika broj 05-3-02-30/07 od 10. maja 2007. godine.

Član 17.

(Stupanje na snagu)

Ovaj Pravilnik stupa na snagu narednog dana od dana objavljivanja u "Službenom glasniku Unsko-sanskog kantona".

Broj 05-3-02-31/10

15.7.2010. godine

B i h a ć

Ministar

Senad Kajdić, dipl. pravnik

294.

KRITERIJI ZA UTVRĐIVANJE SPOSOBNOSTI KANDIDATA U PROCESU ODABIRA ZA PRIJEM POLICIJSKIH SLUŽBENIKA

I. TEST OPĆEG ZNANJA

(član 5. Pravilnika)

1. Test općeg poznavanja historije i književnosti i pismeni rad na zadanu temu:

a) Test općeg poznavanja historije i književnosti sadrži 25 pitanja.

Svako pitanje na testu ima više ponuđenih odgovora, a tačan je samo jedan. Kandidat će prilikom odgovora, u određenim slučajevima, moći

pored ponuđenih odgovora u ostavljenom prostoru na testu dati pismeni odgovor.

Kandidat će na listu za odgovore označiti tačan odgovor (u kvadratić).

Svaki tačan odgovor boduje se sa 1 bodom. Ukupan broj bodova na testu je 25 bodova.

Vrijeme testiranja je 20 minuta.

b) Pismeni rad na zadanu temu ocjenjuje se ocjenom od 1 do 5, što se boduje na slijedeći način:

- ocjena 1 je 0 bodova
- ocjena 2 je 4 boda
- ocjena 3 je 6 bodova
- ocjena 4 je 8 bodova
- ocjena 5 je 10 bodova

Pismeni rad ocijenjen ocjenom 1 (jedan) je eliminatoran. Vrijeme za pismeni rad je 45 minuta (jedan nastavni sat).

Postignuti bodovi na testu informisanosti i pismenom radu na zadatu temu se zbrajaju, a kandidat može ostvariti 25+10=35 bodova.

Bodovanje testa informisanosti i pismenog rada:

- od 0 do 15 bodova
- od 16 do 20 bodova
- od 21 do 25 bodova
- od 26 do 30 bodova
- od 31 do 35 bodova

Kandidati koji su postigli od 0 do 15 bodova nisu zadovoljili te ne mogu pristupiti daljem procesu selekcije.

II. TEST FIZIČKE SPOSOBNOSTI KANDIDATA (član 7. Pravilnika)

Kandidati se testiraju u sportskoj opremi.

1. Kriteriji za ocjenu morfološkog statusa

Kriteriji za ocjenu morfološkog statusa su eliminatorni.

a) za prijem kandidata za čin policajac

Muškarci (starosna dob 18 - 27 godina)
Tjelesna visina 172 cm i više
Tjelesna težina +5/-10 kg u odnosu na visinu
Žene (starosna dob 18 - 27 godina)
Tjelesna visina 162 cm i više
Tjelesna težina +3/-10 kg u odnosu na visinu

b) za prijem kadeta za mlađeg inspektora

Muškarci (starosna dob 18 - 35 godina)
Tjelesna visina 172 cm i više
Tjelesna težina +5/-10 kg u odnosu na visinu
Žene (starosna dob 18 - 35 godina)
Tjelesna visina 162 cm i više
Tjelesna težina +3/-10 kg u odnosu na visinu

c) za prijem kadeta po članu 135. Zakona o policijskim službenicima Unsko - saskog kantona

Muškarci
Tjelesna visina 172 cm i više
Tjelesna težina +5/-10 kg u odnosu na visinu
Žene
Tjelesna visina 162 cm i više
Tjelesna težina +3/-10 kg u odnosu na visinu

Kriteriji starosne dobi se ne primjenjuju za kadete po članu 135. Zakona o policijskim službenicima Unsko - saskog kantona.

2. Testovi motoričkih sposobnosti

Testiranje motoričkih sposobnosti vrši se primjenom pet testova, i to :

a) muškarci

Red. br.	Naziv testa	Kriterij testa
1.	Broj sklekova za 60 sekundi	6 i više
2.	Broj pretklona za 60 sekundi	12 i više
3.	Skok u dalj iz mjesta	130 cm i više
4.	Test anerobnog kapaciteta i brzine-sprint 100 m	19 sekundi i manje
5.	Kuper test (trčanje 12 min.)	900 m i više

b) žene

Red. br.	Naziv testa	Kriterij testa
1.	Broj sklekova za 60 sekundi	2 i više
2.	Broj pretklona za 60 sekundi	6 i više
3.	Skok u dalj iz mjesta	90 cm i više
4.	Test anerobnog kapaciteta i brzine-sprint 100 m	23,40 sekundi i manje
5.	Kuper test (trčanje 12 min.)	500 m i više

3. Opis testova motoričkih sposobnosti**1) Sklekovi za 60 sekundi****a) instrumenti:**

- štoperica sa 1/10 sekundi

b) zadatak:

- kandidat zauzme položaj na rukama tako da prstima nogu i dlanovima dodiruje podlogu. Tijelo i ruke zauzimaju položaj pravog ugla. Iz te pozicije kandidat se spušta naprežući mišiće sve dok grudima ne dodirne pod, a zatim se ponovo vraća u prvobitni položaj.

c) ocjenjivanje:

- ocjenjuje se broj korektno izvedenih i dovršenih sklekova u intervalu od 60 sekundi

d) napomena:

- kandidat sve vrijeme drži opruženo tijelo. Tijelo se ne smije njihati naprijed ili nazad pri spuštanju. Trup pri spuštanju i podizanju mora prolaziti laktove.

2) Pretklon za 60 sekundi**a) instrumenti:**

- štoperica sa 1/10 sekundi

b) zadatak:

- kandidat leži na leđima, na tlu (strunjača), sa nogama zgrčenim pod uglom od 90 stepeni. Dlanovi su ukršteni na potiljku, sa laktovima razmaknutim ustranu, partner mu fiksira stopala. Kandidat izvodi podizanje trupa sa zasukom, naizmjenično u lijevu i desnu stranu što brže može, u intervalu od 60 sekundi. Prilikom izvođenja ovog zadatka mora dotaći laktom suprotno koljeno.

c) ocjenjivanje:

- ocjenjuje se broj korektno izvedenih i dovršenih dizanja u vremenu od 60 sekundi

3) Skok udalj iz mjesta**a) instrumenti:**

- tatami strunjače
- čelična traka za mjerenje

b) zadatak:

- kandidat se odrazi sunožno sa linije obilježene na parketu i doskoči na strunjaču što može dalje, obavezan je sunožan doskok. Izvode se dva pokušaja, a nepravilno izvedeni skokovi se ponavljaju.

c) ocjenjivanje:

- mjeri se dužina skoka normalno na odraznu liniju. Boduje se bolji rezultat izmjeren u centimetrima. Tačnost mjerenja je 1 centimetar.

d) napomena:

- prije svakog skoka kandidat namaže pete magnezijem. Kandidat skače bos. Dupli odraz dozvoljen. Skok se izvodi iz sunožnog položaja

stopala. Dozvoljeno je podizanje na prste prije skoka.

4) Test anernog kapaciteta i brzine – sprint 100 m**a) instrumenti:**

- štoperica
- staza od 100 metara
- pištaljka

b) zadatak:

- kandidati sa cilja iz niskog starta kreću na znak pištaljke i trče 100 m

c) ocjenjivanje:

- mjeri se vrijeme za koje je kandidat pretrčao 100 m

5) Kuperov test trčanja 12 minuta**a) instrumenti:**

- štoperica
- staza od 400 metara
- pištaljka

b) zadatak:

- kandidati sa cilja iz visokog starta kreću na znak pištaljke. Trče ili hodaju 12 minuta.

c) ocjenjivanje:

- mjeri se pretrčana dužina

Testovi motoričkih sposobnosti boduju se na osnovu postignutih rezultata, skalom od 0 do 10 bodova za svaki test. Zbir bodova svakog testa se dijeli sa 5. Najveći mogući broj bodova na testovima motoričkih sposobnosti je 10.

Da bi kandidat zadovoljio, mora postići najmanje jednu trećinu od maksimalnog broja bodova, tj. najmanje 3,50 bodova, a da pritom nije ocijenjen na tri testa sa 0 bodova.

Kandidat nije zadovoljio ukoliko je na tri testa ocijenjen sa 0 bodova, bez obzira na ukupno ostvaren broj bodova na testovima motoričkih sposobnosti.

Svi kandidati koji zadovolje bit će rangirani na osnovu broja postignutih bodova na testiranju motoričkih sposobnosti.

Testovi su bodovani od 1 do 10 bodova.

Konačni prosjek boda od 0 do 3,50 – testirani NIJE ZADOVOLJIO;

Konačni prosjek boda od 3,50 do 6,50 – testirani se ocjenjuje ZADOVOLJAVA;

Konačni prosjek boda od 6,50 do 8,50 – testirani se ocjenjuje

FIZIČKA SPOSOBNOST DOBRA;

Konačni prosjek boda od 8,50 do 9,50 – testirani se ocjenjuje

FIZIČKA SPOSOBNOST VRLO DOBRA;

Konačni prosjek boda preko 9,50 – testirani se ocjenjuje

FIZIČKA SPOSOBNOST ODLIČNA.

4. Normativi procjene motoričkih sposobnosti:**TEST FIZIČKIH SPOSOBNOSTI ZA MUŠKARCE OD 19 DO 29 GODINA**

Sklekovi	Trbušnjaci	Skok udalj iz mjesta	Kuper test 12 min.	Sprint 100 m	Bodovi	Napomena
50	45	280	3.200	12,0	10	
48	43	275	3.000	12,5	9	
46	40	270	2.800	13,0	8	
44	38	260	2.600	13,3	7	
40	35	250	2.400	13,6	6	
35	32	240	2.200	13,8	5	
30	29	230	2.000	14,0	4	
27	25	220	1.800	14,3	3	
24	22	210	1.600	14,6	2	
20	20	200	1.400	15,0	1	

TEST FIZIČKIH SPOSOBNOSTI ZA ŽENE OD 19 DO 29 GODINA

Sklekovi	Trbušnjaci	Skok udalj iz mjesta	Kuper test 12 min.	Sprint 100 m	Bodovi	Napomena
40	36	240	2.800	15,0	10	
38	34	230	2.600	15,6	9	
36	32	220	2.400	16,0	8	
34	30	210	2.200	16,3	7	
30	28	200	2.000	16,6	6	
25	26	190	1.800	16,8	5	
20	23	180	1.600	17,0	4	
17	20	170	1.400	17,3	3	
14	18	160	1.200	17,6	2	
10	15	150	1.000	18,0	1	

TEST FIZIČKIH SPOSOBNOSTI ZA MUŠKARCE OD 30 DO 39 GODINA

Sklekovi	Trbušnjaci	Skok udalj iz mjesta	Kuper test 12 min.	Sprint 100 m	Bodovi	Napomena
48	42	270	3.100	12,3	10	
46	40	265	2.900	12,7	9	
44	37	250	2.700	13,2	8	
42	35	240	2.500	13,5	7	
38	32	230	2.300	13,8	6	
33	29	220	2.100	14,2	5	
28	26	210	1.900	14,5	4	
25	23	200	1.700	14,8	3	
22	21	190	1.500	15,0	2	
18	19	180	1.300	15,3	1	

TEST FIZIČKIH SPOSOBNOSTI ZA ŽENE OD 30 DO 39 GODINA

Sklekovi	Trbušnjaci	Skok udalj iz mjesta	Kuper test 12 min.	Sprint 100 m	Bodovi	Napomena
38	33	230	2.700	15,5	10	
36	31	220	2.500	16,0	9	
34	28	210	2.300	16,4	8	
32	26	200	2.100	16,8	7	
28	24	190	1.900	17,2	6	
23	22	180	1.700	17,8	5	
18	20	170	1.500	18,2	4	
15	17	160	1.300	18,6	3	
12	15	150	1.100	19,0	2	
8	13	140	990	19,4	1	

TEST FIZIČKIH SPOSOBNOSTI ZA MUŠKARCE OD 40 DO 49 GODINA

Sklekovi	Trbušnjaci	Skok udalj iz mjesta	Kuper test 12 min.	Sprint 100 m	Bodovi	Napomena
44	40	250	2.000	12,8	10	
40	38	240	2.700	13,2	9	
38	35	230	2.500	13,6	8	
34	33	220	2.300	14,0	7	
30	30	210	2.100	14,4	6	
26	27	200	1.900	14,8	5	
22	24	190	1.700	15,2	4	
20	21	180	1.500	15,5	3	
18	19	170	1.300	15,8	2	
15	17	160	1.100	16,0	1	

1) Sklekovi za 60 sekundi**a) instrumenti:**

- štoperica sa 1/10 sekundi

b) zadatak:

- kandidat zauzme položaj na rukama tako da prstima nogu i dlanovima dodiruje podlogu. Tijelo i ruke zauzimaju položaj pravog ugla. Iz te pozicije kandidat se spušta naprežući mišiće sve dok grudima ne dodirne pod, a zatim se ponovo vraća u prvobitni položaj.

c) ocjenjivanje:

- ocjenjuje se broj korektno izvedenih i dovršenih sklekova u intervalu od 60 sekundi

d) napomena:

- kandidat sve vrijeme drži opruženo tijelo. Tijelo se ne smije njhati naprijed ili nazad pri spuštanju. Trup pri spuštanju i podizanju mora prolaziti laktove.

2. Pretklon za 60 sekundi**a) instrumenti:**

- štoperica sa 1/10 sekundi

b) zadatak:

- kandidat leži na leđima, na tlu (strunjača), sa nogama zgrčenim pod uglom od 90 stepeni. Dlanovi su ukršteni na potiljku sa laktovima razmaknutim ustranu, partner mu fiksira stopala. Kandidat izvodi podizanje trupa sa zasukom, naizmjenično u lijevu i desnu stranu što brže može, u intervalu od 60 sekundi. Prilikom izvođenja ovog zadatka mora dotaći laktom suprotno koljeno.

c) ocjenjivanje:

- ocjenjuje se broj korektno izvedenih i dovršenih dizanja u vremenu od 60 sekundi

3) Skok udalj iz mjesta**a) instrumenti:**

- tatami strunjače
- čelična traka za mjerenje

b) zadatak:

- kandidat se odrazi sunožno sa linije obilježene na parketu i doskoči na strunjaču što može dalje, obavezan je sunožan doskok. Izvode se dva pokušaja, a nepravilno izvedeni skokovi se ponavljaju.

c) ocjenjivanje:

- mjeri se dužina skoka normalno na odraznu liniju. Boduje se bolji rezultat izmjeren u centimetrima. Tačnost mjerenja je 1 centimetar.

d) napomena:

- prije svakog skoka kandidat namaže pete magnezijem. Kandidat skače bos. Dupli odraz dozvoljen. Skok se izvodi iz sunožnog položaja stopala. Dozvoljeno je podizanje na prste prije skoka.

4) Test anerobnog kapaciteta i brzine – sprint 100 m**a) instrumenti:**

- štoperica
- staza od 100 metara
- pištaljka

b) zadatak:

- kandidati sa cilja iz niskog starta kreću na znak pištaljke i trče 100 m

c) ocjenjivanje:

- mjeri se vrijeme za koje je kandidat pretrčao 100 m

5) Kuperov test trčanja 12 minuta**a) instrumenti:**

- štoperica
- staza od 400 metara
- pištaljka

b) zadatak:

- kandidati sa cilja iz visokog starta kreću na znak pištaljke. Trče ili hodaju 12 minuta.

c) ocjenjivanje:

- mjeri se pretrčana dužina

Testovi motoričkih sposobnosti boduju se na osnovu postignutih rezultata, skalom od 0 do 10 bodova za svaki test. Zbir bodova svakog testa se dijeli sa 5. Najveći mogući broj bodova na testovima motoričkih sposobnosti je 10.

Da bi kandidat zadovoljio, mora postići najmanje jednu trećinu od maksimalnog broja bodova, tj. najmanje 3,50 bodova, a da pritom nije ocijenjen na tri testa sa 0 bodova. Kandidat nije zadovoljio ukoliko je na tri testa ocijenjen sa 0 bodova, bez obzira na ukupno ostvaren broj bodova na testovima motoričkih sposobnosti.

Ministar

Senad Kajdić, dipl. pravnik

S A D R Ź A J

293. Pravilnik o postupku i rasporedu testiranja kandidata u procesu odabira policijskih službenika	457	294. Kriteriji za utvrđivanje sposobnosti kandidata u procesu odabira za prijem policijskih službenika	459
--	-----	---	-----

OBAVJEŠTENJE

Obavještavamo pravna i fizička lica, dosadašnje pretplatnike, kao i lica koja žele da se pretplate za "Službeni glasnik Unsko-sanskog kantona" za ovu i narednu godinu, da godišnja pretplata iznosi 200,00 KM sa porezom, a može se izvršiti na račun broj 1290079402494455 u korist Budžeta USK-a, vrsta prihoda 722631, budžetska organizacija 2101001, identifikacijski broj 4263249630000.